



Publicaziuns dalla vischnaunca, jamna 44

Damonda da baghegiar

Datum da publicaziun: ils 2 da november 2012

Nr. 2012-1067

Il patrun: Michele Affolter Via del Sole 11A, 6963 Pregassona

Il representant: Tarcisi Maissen SA Caum postal 109, 7166 Trun

Object: Construcziun d'ina casa da pliras famiglias, parcella 2222, Via Caschuarz, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/ Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 30-10-2012

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 9 da november 2012 allas 19.30** ella sala Peter Kaiser en claustra ad ina seduta.

Tractandas:

1. Protocol nr. 29-2009/2012
2. Iniziativa per ina midada dalla constituziun communal concernent l'elecziun e la funcziun dalla cumissiun da gestiun (messadis nr. 45- e 45.1-2009/2012)
3. Regulativ dalla Biblioteca populara Disentis/Mustér e contuorn: Revisiun parziala (messadi nr. 48-2009/2012)
4. Regulativ per il survetsch dentari da scola: Revisiun totala (messadi nr. 49-2009/2012)
5. Credit per la cumpra d'ina maschina per il menaschi tecnic (messadi nr. 50-2009/2012)
6. Credit per la sanaziun dil parcadi Centrum (messadis nr. 46- e 46.1/2009/2012)
7. Direcziun communal (messadi nr. 51-2009/2012)
8. Preventiv 2013 (messadi nr. 52-2009/2012)
9. Verificaziun dall'elecziun dalla suprastanza communal 2012 (messadi nr. 53-2009/2012)
10. Agenda 2013
11. Ura da damondas (conform ad art. 44 dil regulativ da fatschentas)

Aschinavon ch'igl ei buca pusseivel da deliberar tuttas fatschentas en ina sera, ei previu *gliendisdis, ils 12 da november 2012 allas 20.15* el Center sursilvan d'agricultura in'ulteriura seduta.

La presidenta dil cussegl da vischnaunca



Resultats dallas elecziuns communalas diils 28 d'october 2012

Diember diils votants 1543
Participaziun alla votaziun 64%

Cussegl da vischnaunca

Dau giu cedels 975
Cedels vits 15
Cedels nunvaleivels 7
Total cedels vits e nunvaleivels 22
Cedels valeivels 953
Total vuschs da candidats (valeivlas) 8723
Vuschs han obteniu ed elegi ein:

Murer Flavio 666
Spescha Alfred 644
Huonder-Tenner Rita 621
Bigliel Adrian 608
Pally Adrian 570
Maissen Theodosi 557
Berther Armin 532
Schmed Marco 513
Candinas Silvio 486
Jacommet Wendelin 486
Berger Christoph 454
Tuor Rico 451
Durschei Edgar 447
Lozza-Desax Jordana 438
Zanetti Livio 437

Plinavon han obteniu vuschs:
Manetsch Armin 355
Lozza Pirmin 326
Ulteriurs 132

Suprastonza communal Elecziun dil president communal

Dau giu cedels 982
Cedels vits 33
Cedels nunvaleivels 11
Total cedels vits e nunvaleivels 44
Cedels valeivels 938

Total vuschs da candidats (valeivlas) 938
Absolut pli 470
Vuschs ha obteniu ed elegius ei:

Cajacob Francestg 590

Plinavon han obteniu vuschs:
Fry Linus 306
Ulteriurs 42



Eleccziun da quater geraus

Dau giu cedels 950
Cedels vits 30
Cedels nunvaleivels 7
Total cedels vits e nunvaleivels 37
Cedels valeivels 913
Total vuschs da candidats (valeivlas) 2603
Absolut pli 326
Vuschs han obteniu ed elegi ein:

Tuor Roger 751
Mazzetta Iso 680
Deflorin-Spescha Madlen 541
Maissen-Desax Cecilia 531

Ulteriurs 100

Cussegl da scola

Dau giu cedels 912
Cedels vits 43
Cedels nunvaleivels 8
Total cedels vits e nunvaleivels 51
Cedels valeivels 861
Total vuschs da candidats (valeivlas) 2738
Vuschs han obteniu ed elegi ein:

Bergamin Simon 680
Lechmann-Krabacher Ulrike 635
Giger-Caminada Regina 548
Simonet Giusep 479

Plinavon han obteniu vuschs:
Venzin-Zazzi Manuela 350
Ulteriurs 46

Disentis/Mustér, ils 28-10-2012
Il biro electoral
il president: Dr. Dumeni Columberg
igl actuar: Andri Hendry

Dretg da recuors

Sebasond sin art. 37 dalla lescha communal davart ils dretgs politics sa vegnir recurriu encunter las elecziuns communalas dils 28 d'october 2012 enteifer 3 dis dapi ch'il motiv da recuors ei vegnius constatàus, sil pli tard denton il tierz di suenter la publicaziun officiala dils resultats. Il recuors ei d'inoltrar alla suprastanza communal.



Seivs mobilas per la pasculaziun

Tenor art. 75, al. 1 dalla lescha da baghegiar ston seivs mobilas vegnir allontanadas *immediatmein* suenter la pasculaziun. Quei vala era per seivs da gatter. Igl unviern vargau ein differentas seivs buca vegnidas allontanadas. Entras quellas seivs ein capitai differents accidents cun animals selvadis. Tals accidents san vegnir evitai. Pigl atun proxim vegnan ils organs da catscha e la vischnaunca a menar atras controllas, schebein quellas seivs ein vegnidas allontanadas. Las seivs buca allontanadas vegnan a vegnir allontanadas senza avisar ils pertuccai sin donn e cuost dil proprietari da terren. Nus supplichein da prender enconuschientscha da quei fatg e prender las mesiras prescettas.

Disentis/Muster, october 2012
Suprastonza communal

Purschida gratuita

La vischnaunca da Mustér porscha a ses habitonts la pussevkladad da visitar gratuitamein la Casa da traffic a Lucerna, www.verkehrshaus.ch. Al spurtegl dall'administraziun communal sa per **mintga di** digl onn vegnir retratg **5 entradas gratuitas**. En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi special (frs. 4.– reduzioni)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiari cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (telefon 081 920 36 36 ni e-mail: admin@disentis.ch).

Nus giavischein ina nunemblideivla aventura el museum il pli frequentau en Svizra.
Suprastonza communal

Controlla da habitonts Naschientscha

Leonardo Pio Schnoz, naschius ils 12 d'october 2012, fegl da Guido e Rosaria Schnoz-Piraino.

Clom d'urgenza 118

Preziasas vischinas, preziai vischins Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitonts e habitonts da cuntionscher pumpiers ch'els enconuschian via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donn cun mintga minuta spiarsa pli gronds. Perquei s'adressein nus a Vus cun ina ferventa supplica: **clamei ils pumpiers mo sur il clom d'urgenza 118**. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina www.pumpiers-sursassiala.ch.

Engraziel per Vies sustegn!
Vos pumpiers Sursassiala



Invit alla messa da s. Hubertus, il patrun dils catschadurs

Dumengia, ils 3 da november allas 17.00 en baselgia s. Gions a Mustér.

La grupp da sunacorns Badus vegn ad embellir la messa musicalmein e suenter messa vegn offeriu in apero.

Cordialmein envida
la secziun da catschadurs Péz Alpetta ed il cussegl pastoral

CVP-Präsident Christoph Darbellay im Disentiser Klosterforum

Am **Montag, 5. November 2012**, spricht im Disentiser Klosterforum im Peter-Kaiser-Saal abends um 20.30 Uhr Nationalrat und CVP-Präsident Christoph Darbellay über das Thema: 100 Jahre CVP – Aktueller Beitrag der CVP zum Erfolgsmodell Schweiz. Christoph Darbellay begann seine Politikkarriere bei der CSP in der Sektion Unterwallis. Er wechselte 2003 zur CVP und ist seit 2003 Mitglied des Nationalrates und seit 2006 Präsident der CVP Schweiz.

Herzliche Einladung
P. Urban Affentranger

Uniun da dunnas Mustér

L'uniun da dunnas Mustér organisescha il suandont cuors: **Ruclas da pupi**

Menadra: Erna Hosang
Liug: Local uniun da dunnas Mustér
Temps: **19.00–22.00**

Datum: **19 da november**

Annunzias: Las annunzias prendel bugen encunter tochen ils **5-11-2012**: Sigrid Loretz, tel. 081 947 40 29, natel 076 517 88 79 e-mail: sigrid_loretz@hotmail.com

Radunonza generala dall'Uniun Indoor-Festival

Sonda, ils 3 da november 2012 allas 19.00 el center da sport e cultura Mustér.

Gliesta da tractandas:

1. Beinvegni
2. Elecziun da dus dumbravuschs
3. Approbaziun dil protocol dalla davosa radunonza generala
4. Rapport dil president e dil cassier
5. Approbaziun dil quen annual e rapport dils revisurs
6. Dissoluziun dall'Uniun Indoor-Festival
7. Varia

Cordialmein envida *la suprastonza*



Uniun samaritana Mustér

Nies proxim exercezi meinsil ha liug ensemen cun l'Uniun samaritana Medel:

Gliendisdis, ils 5 da november 2012 en sala da scola a Curaglia.

Il tema digl exercezi ei in percuors da fitness ed equilibr. Targei en resti cumadeivell!
Nus s'entupein allas 19.40 avon halla Cons.

Sperond ad ina stedia participaziun salida *la presidenta*

Biblioteca populara Mustér Kamishibai cun Mats, la miur

Eis ti denter 3 e 7 onns? Has ti gust da vegnir cun tia mumma ni cun in'otra persuna d'accumpignament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surpresas en fuorma da Kamishibai e quei mintga gada **il secund venderdis dil meins dallas 14.30 tochen ca. las 15.30.**

Nus selegrein zun fetg sin tei ...

Tgisa, forsa anflein nus mintgatun aunc enzatgei auter che mo cudischs en nossa valischa da surpras! Cun ils pli cars salids e sin seveser tochen gleiti.

*Mats, la miur ed il team
dalla biblioteca populara Mustér*

Termins: 9 da november, 14 da december 2012,
11 da schaner, 8 da fevrer, 8 da mars, 12 d'avrel,
10 da matg ed ils 14 da zercladur 2013

Uniun da dunnas Mustér Mummas cun affons pigns

Seruschnar – paterlar – termagliar

Tut ils affons da 0 entochen 3 onns cun lur mummas e fargliuns ein cordialmein beinvegni **mesjamna, ils 7 da november 2012 dallas 15.00–16.30** per passentar in bi suentermiezdi da cumpignia el local Artgin. Per damondas ni sclariment stat Nathalie Lutz, tel. 081 947 61 94 bugen a disposiziun.

Mummas cun affons pigns Mustér

Gruppa da teater Mustér

Nus fagein puspei teater

Aunc inaga dall'entschatta. Cuedia en treis acts. Premiera ils 12 da schaner 2013. Ulteriuras producziuns, ils 18, 19, 20, 25 ed ils 26 da schaner.

Per plascher risguardar quels termins.
La suprastonza

Ludoteca Disentis/Mustér Di dallas portas aviartas per in e scadin

Mira sut Surselva, rubrica Ludotecas.